

**ACTA DERA SESSION EXTRAORDINÀRIA
DETH PLEN DETH CONSELH DE DATA 24 DE NOVEME DE 2006**

Assistissen:
Sindic d'Aran,
Mgfc. Sr. Carlos Barrera Sánchez.

Conselhèrs,
Mgfc. Sr. Víctor Leon Plana,
Mgfc. Sr. Francesc Vidal Vergés,
Mgfc. Sra. Mercedes Delaurens Deó,
Mgfc. Sr. Joan Estévez Sans,
Mgfc. Sr. Arturo Sánchez Farré,
Mgfc. Sr. Francés Boya Alòs,
Mgfc. Sr. Rufino Martínez Cau,
Mgfc. Sr. Hipólito Cruces Socasau,
Mgfc. Sr. Manel Rocher González e,
Mgfc. Sr. Emili Sanllehy Meya.

Secretària,
Sra. Anna Llinàs Rovira.

En Arròs, a vint-e-quate de noveme de dus mil sies, en tot èster es tretze ores e quinze minuts, s'amassen ena sala de sessions dera Casa deth Senhor d'Arròs, abilitada ar efècte coma Sala de Plens, es membres nomentadi en marge, en tot desencusar-se d'assistir-i es conselhèrs Mgfc. Sr. Francesc Medan Juanmartí e Mgfc. Sr. Antonio Asensio Pujol.

Er objècte dera reünion ei celebrar Session Extraordinària deth Plen deth Conselh Generau d'Aran en prumèra convocatòria e, un viatge comprovat pera secretària era existència de quòrum de besonh entà que pogue començar, ac comuniquè ath sindic que la declare dubèrta e publica e se procedís a balhar compde deth següent punt der Orde deth dia:

1èr.- ADJUDICACION DEFINITIVA, SE PROCEDÍS, DETH CONCORS PUBLIC DERA ÒBRA "*CONDICIONAMENT, SHAMPLIT E MIELHORA DERA CARRETÈRA D'ACCÈS A MONT: FASA I*".-

Pren era paraula eth sindic entà manifestar era rason qu'a provocat era convocatòria extraordinària d'aguest Plen que non ei auta qu'adjudicar era fasa prumèra dera òbra "*Condicionament, Shamplit e Mielhora dera Carretèra d'Accès a Mont*" dat eth besonh de justificar era totalitat dera sua execucion -e non sonque dera fasa prumèra- dauant eth Departament de Politica Territorial e Òbres Publiques dera Generalitat de Catalunya abantes deth mes de junh der exercici 2007 se se vò crubar era subvencion autrejada per aguest departament, en tot explicar a l'encòp fòrça brèument en qué consistirà aguesta òbra.

Pren era paraula eth conselhèr Mgfc. Sr. Rufino Martínez Cau entà demandar quantes empreses s'an presentat ad aguest concurs e quin ei eth temps d'execucion dera òbra, en tot respòner era secretària que sonque s'a presentat ua unica empresa e qu'eth tèrme d'execucion dera òbra ei de tres mesi.

Cosset damb çò expausat e dat qu'eth projècte basic e d'execucion dera òbra "*Condicionament, Shamplit e Mielhora dera Carretèra d'Accès a Mont*", redigit per enginhèr de camins, canaus e pòrts Sr. Francisco Quintilla Blanco (num. de col·legiat 17.681) -qu'apartie ara empresa "Euroconsult Catalunya, SA"- s'aprovèc iniciauments peth Plen deth Conselh, en session extraordinària de 9 d'agost de 2006, en tot èster publicat en BOP de Lleida num. 111, de 15 d'agost de 2006 e en DOGC num. 4698, de 16 d'agost de 2006, pera quau causa aguest projècte ei definitivament aprovat des deth dia 23 de seteme de 2006, damb un pressupòst d'execucion per contracta de 3,093.389,97 € IVA includit.

Dat qu'eth Plen deth Conselh, en session extraordinària de 9 d'agost de 2006, aprovèc eth Plec de clausules economicoadministratives particulars deth concurs public dubèrt damb tramitacion urgenta dera fasa prumèra d'aguesta òbra -damb un pressupòst d'execucion per contracta de 330.893,02 € IVA includit- atau coma era convocatòria simultanèa deth sòn concurs public, convocatòria que gessec publicada en BOP de Lleida num. 113, de 19 d'agost de 2006, e en DOGC num. 4699, de 17 d'agost de 2006, sense que transcorrut eth tèrme reglamentari s'aguesse producit cap de reclamacion ne allegacion en contra.

Dat que finalizat eth tèrme de 13 dies naturaus entara presentacion de prepauses -cosset damb era clausula 9au deth Plec-, constauen coma presentades en Registre d'Entrada d'aguesta corporacion dues empreses licitadores, cap des quaus poguec èster admetuda en procès de licitacion pr'amor que cap d'eres complie damb eth requisit dera classificacion empresariau exigida.

Dat que coma conseqüència d'aguesta situacion siguec de besonh declarar desèrta era licitacion dera òbra "*Condicionament, Shamplit e Mielhora dera Carretèra d'Accès a Mont: Fasa I*" e convocar un nau concurs damb era modificacion dera classificacion dera clausula 7au.4 deth Plec de clausules economicoadministratives particulars originaus, convocatòria que s'aprovèc peth Plen deth Conselh, en session extraordinària de 18 de seteme de 2006 e que gessec publicada en BOP de Lleida num. 130, de 23 de seteme de 2006, e en DOGC num. 4726, de 26 de seteme de 2006, sense que transcorrut eth tèrme reglamentari s'aguesse producit cap de reclamacion ne allegacion en contra.

Dat que finalizat eth tèrme de 13 dies naturaus entara presentacion de prepauses -cosset damb era clausula 11 deth Plec-, còste coma presentada en Registre d'Entrada d'aguesta corporacion era UNICA empresa licitadora que seguís:

1) Registre d'Entrada num. 2949, de 9 d'octobre de 2006: "Copasa 10, SL".

Dat qu'en conseqüència -cosset damb era clausula 12 deth Plec-, se convoquèc e amassèc era Mèsa de Contractacion eth dia 16 d'octobre, tàs 12:00 ores, as efèctes de procedir ara dubertura en acte public dera prepausa presentada.

Dat qu'era Mèsa de Contractacion procedic prealablament ara dubertura e analisi dera engolòpa A de "Documentacion Administrativa" dera unica empresa licitadora, e la declarèc coma admetuda.

Dat qu'acte seguit, se procedic a daurir era engolòpa B de "Prepauses Economiques" e era engolòpa C "Prepauses Tecniques e Merits" damb eth següent resultat:

1. Registre d'Entrada num. 2949, de 9 d'octobre de 2006: "Copasa 10, SL":
 - Aufèrta Economica: 321.893,00 €
 - Tèrme Execucion: 3 mesi.
 - Mielhores: Òc.

Dat qu'en data de 16 de noveme de 2006, es Servicis Tecnicos deth Conselh emeteren Informe d'Avaloracion des diferents prepauses tecniques presentades, atau coma dera prepausa economica que s'adjunhen ara acta, damb eth resultat que seguís:

1. "Copasa 10, SL": Puntuacion Globau: = 182 PUNTS/200 PUNTS
 - Prepausa Economica: 100,00 punts.
 - Prepausa Tecnica: 82,00 punts.

Vista era acta dera Mèsa de Contractacion, ena quau se prepausa qu'era adjudicacion deth concurs nomentat s'autrege ara aufèrta presentada pera Sra. Begoña Catalán Castelló, en nòm e representacion dera empresa "Copasa 10, SL", per èster era unica empresa presentada e qu'ath delà complís damb toti es requisits exigidi peth Plec de clausules corresponent.

Visti es articles 85 e següents deth Reiau decret legislatiu 2/2000, de 16 de junh, peth quau s'apròve eth tèxte rehonut dera Lei de Contractes des Administracions Publiques, se prepausa ath Plen deth Conselh adjudicar era òbra abantes nomentada ara empresa "Copasa 10, SL", en tot seguir es recomanacions dera Mèsa de Contractacion cossent damb çò previst en informe d'avaloracion des Servicis Tecnicos deth Conselh. Un còp sotmetuda era prepausa a votacion e debat, eth Plen deth Conselh *acòrde per unanimitat* des onze (11) membres presents:

Prumèr.- Declarar valid eth procès de licitacion dera òbra: "*Condicionament, Shamplit e Mielhora dera Carretèra d'Accès a Mont: Fasa I*".

Dusau.- Adjudicar definitivament era òbra nomentada en apartat prumèr ara empresa "Copasa 10, SL", damb CIF num. B-31.452.600, ***per un impòrt de tres cents vint-e-un mil ueit cents nauanta tres èuros (321.893,00 €), IVA includit***, a cargue dera partida pressupostària num. 01.511.612.00 deth pressupòst generau vigent, e ***per un tèrme d'execucion de tres (3) mesi***; per èster era unica empresa presentada e qu'ath delà complís damb toti es requisits exigidi peth Plec de

clausules corresponent, e en tot auer en compde er informe d'avaloracion des Servicis Tecnicos deth Conselh.

Tresau.- Notificar aquest acòrd ara empresa adjudicatària e requerir-la pr'amor qu'en tèrme de quinze (15) dies obrants, a compdar des dera recepcion dera notificacion d'adjudicacion, presente eth document acreditatiu d'auer constituït era garantia definitiva per un impòrt deth 4% deth prètz d'adjudicacion (12.875,72 €) e citar-la entara formalizacion dera acta de replantèg e posteriora signatura deth contracte administratiu laguens des trenta (30) dies naturaus següents a compdar de londeman dera notificacion d'aguesta adjudicacion definitiva.

Quatau.- Notificar aquest acòrd d'adjudicacion ara Tresaureria deth Conselh as efèctes oportuns e publicar-lo en DOGC, en BOP e en taulèr d'anoncis dera corporacion, cossent damb çò que previé er article 93 deth Reiau decret legislatiu 2/2000, de 16 de junh, peth quau s'apròve eth tèxte rehonut dera Lei de Contractes des Administracions Publicques.

Cincau.- Facultar eth sindic d'Aran, en nòm e representacion deth Conselh, entara signatura de toti es documents publics e/o privats que siguen de besonh entà hèr efectives era tramitacion e execucion des acòrds anteriors.

E en non auer mès ahèrs a tractar, se lhèue era session tàs tretze ores e vint-e-cinc minuts deth dia vint-e-quate de noveme de dus mil sies, dera quau s'estien aguesta acta signada peth sindic e jo, era secretària, que ne dongui fe.

Era secretària

Vist e platz
Eth sindic